



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Animae Illvstres Ivliae Cliviae Montivm Marchiae  
Ravenspurgi Morsae Annexarvmqve Provinciarvm E  
Monvmentis Calamo R. P. Theodori Rhay. Societatis Iesv  
Redivivae**

**Rhay, Theodor**

**Neobvrgi Ad Danvbium, 1663**

November.

**urn:nbn:de:hbz:466:1-10835**

Die I.

**N**À cum OMNIBVS SANCTIS colitur  
*Sigebergæ* S. BENIGNVS Presbyter & Mar-  
 tyr, qui sub *Aureliano Imperatore, equuleo,*  
*& laminis candentibus cruciatus est: quàm tormentorũ*  
*vim more Spartano sustinēs Coronæ circumstanti,*  
*Suspicite in Cælum, inquebat, & Christi fidem, quam*  
*tot præclari Martyres sunt professi, arripite; ac non*  
*degeneres ab ijs perseverantes conserveate: pro quâ*  
*& ego nunc libens mortem oppeto. ac sic ille se in*  
*fidei odium cædi lætus, vitæ finem gloriosum in*  
*causa nobili reperit. Eius potissimæ Reliquiæ Si-*  
*gebergæ quiescunt. Canisij martyr. & Annal*

Eadem luce ad Cliviæ confinia *Pago Keue-*  
*lar Mariani illic templi* Fundamentorum pietate  
 Geldrensiū prima positio, eius occasionem  
 dedit sita ibi exigua *magnæ Virginis Domuncula*  
 cuius *nova miraculorum fama* dum omnem latè  
 viciniã implêrat, factum est ut corrogatis repentè  
 pecunijs *Sacellum* continuis auctum accessio-  
 nibus templum illud pepererit, quod *Virginis*  
 ex merito, cū *Mariophilos* id loci degentes RR. Pa-  
 tres eximio eruditòque calamo suo olim cele-  
 braturos minimè dubitem, meum premo; uti  
 & de



& de MONIOVICA VIRGINE aufin Waldt, de cuius favore materno, eoque continuo hoc solum exclamo: *Tantum est colere Virginem ubi ipsa vult coli!*

## II.

ESSENDIÆ S. PINNOSÆ Virginis & Martyris commemoratio, quæ Virginitatis Lili-um Virgineo Sanguine purpuravit. Martyr. Canis.

## III.

Porceti iuxta aquas Graneas S. GREGORIVS mortalitate positâ, ad Divorum, ut spes est, triumphos in cælum migravit; eximiarum virtutum clarus luminibus Abbas, Imperatoris Ottonis eius nominis secundi cognatus. Ex eius loci Diario.

## IV.

Neoburgi in domestico Aule Sacratio adventus Reliquiarum S. CAROLI Borromæi S. R. E. Cardinalis, Archiepiscopi Mediolanensis, Confessoris, quas anno M. DC. LXI. Serenissimis Principibus PHILIPPO WILHELMO Comiti Palatino Rheni, Bavariæ Julie, Montium Duci, & Elisabethæ Ameliæ Magdalene natæ Landgraviæ Hassiæ Congratulationis causâ pro nato eadem die quarto Principe Filiolo ad sancti  
eius



eius honorem CAROLO nuncupato, *Submisit R mus. & Illustrissimus Princeps Fridericus Borromaeus, Patriarcha Alexandrinus, ad Helveticos, Rhatos, & Valesios cum potestate Legati à Latere Nuntius, SANCTI Consanguineus omine ( ut sperare par est ) quàm CAROLI ultimi Clivia Principis meliore. Ex Sacrarij Indice.*

V.

**C** *Erichsbemij in Montia Patrocinium B. Ducis GERRICI, qui sceptrum omniâque humana despexit, & in pauperes suâ liberaliter erogavit. Iamq; is metit, quae seminavit. Ex Gelen. apparatus.*

V.

**N** *Eoburgi ad Istrum Dominicâ infra Octavam Omnium Sanctorum, in Templo RR. PP. Soc. IESV, Festum quatuor SS. MM. SVPITII. CHARILAI, FLAVIÆ & AVRELIÆ; Collegio à Serenissimo Fundatore, gloriose memoria Principe WOLFGANGO WILHELMO Palatino Rheni, Duce Julia & Clivia piâ munificentia donatorum, cuius viva virtutum & viva beneficentiae imago omnium in animis vivit, porroque vivet. Ex Ann. Collegij.*

Bb

V



## V.

**I**N *Montium Ducatu, Monasterio Subsilvano, vulgò Vormbolt, depositio S. Abbatis & Confessoris WINOCI admirandæ sanctitatis, seduli utpote innocentiae custodis, continentiae amatoris, superbiae osoris, pauperum pupillorumque unici perfugij; quorum a maioribus famæ perpetuitate ad nos profecta ut sublevaret inopiam, plurimis annis à se erectum molendinum manuali agitatione circumegit, ne panis egenis deesset, pane Angelorum eternum pascendus. Mart. Can.*

## VII.

**E**MBRICA studiorum mater, perpetua pietate, annuo recurso S. WILLIBORDI *Belgarum, ac Frisiae Apostoli natalem agit, qui incredibili ardore fructuque in salutem animarum incubuit. Cuius ibidem, opere antiquo & pretio visendus Calix reverenter asservatur; ex quo febriliter laborantes non pauci sanitatem bibunt. Sacra ab eodem consecrata HOSTIA, Romamq; allata quotannis per Urbem festivâ pompâ circumferri solita, ad confœderatorum primos motus, aliquot centenis licet annis conservata, à Commissario Apostolico SASBOLDO Vosmer maturo consilio assumpta est. Ex annuis.*

## VII.



## VII,

**G**reuelsbergij, Montium in Ducatu S. ENGELBERTVS Comes de Monte & Altena, Colonienſis Archipræſul inclytâ Heroum morte occubuit velut qui *publicæ Eccleſiarum Eſſendi-enſis & Wertinenſis iuſtus deſenſor*. Cecidit *Frideri-ci Comitis Hſenburgici Cognati ſui ſceleſtiffimo* poſt hominum memoriam parricidio inter *Sovelmam & Greuelsburgum A. C. 1225. Mori-ens, Chriſto, Chriſti verbis pro ſicarijs & hoſtibus ſuis ſupplicavit, magnus Eccleſiaſtica libertatis vindex & ipſa morte aſſertor facultatem ob eam nactus, mira innumera patrandi. Corpus eius 25. Februarij A. 1226. in Montis Veteris Monafterium, tandem Coloniam deductum eſt, Inteſtinis Veteri in Monte, honorificè reconditis. Ex vita eiufdem.*

## XI.

**H**eifterbaci notiffimæ famæ Abbatis HENRICI memoria pietati, obedientiæ, mortificationique deditiffimi: cuius merita cælum prodiſcit, quando *paſtoralem illi baculum Auguſtiſſima Cali Regina porrigere viſa eſt*. Præſes Religioſæ potiùs diſciplinæ, quàm cumulanſis opibus in-

Bb 2.

tentus



tentus. Cuius familiare symbolum fuisse ferunt: Multos esse obligandos; paucos offendēdos. Nam *memoria aiebat, beneficiorum fluxa, iniuriarum aenea*  
*Ex Hierophyl.*

## XIV.

**C** *Ladbaci* in nobili *Iuliacensium* oppido, memoria ALBERICI, quem in eius Ecclesiæ Cryptâ depositum, vulgus S. Albertum indigitare consuevit. *Ex Fast. Gel.*

## XIV.

**I** *N Burvenich Cistertiensium Parthenone*, venerabilis ELISABETHÆ ex *Julia Comitibus* oriundæ, quæ opibus, aulæ clientelis & mundo vale dicens vltimum, Cælites familiares, ac sæpe sæpius in oculis habuit, Gentis suæ splendorem præclarè virtutibus illustrans. *Gel. in Fast.*

## XV.

**S** LEOPOLDI *Austriæ Marchionis, sanguinis B. RICHEZÆ*, multorum Monasteriorum *Templorumque Fundatoris*. qui Mariam identidem in corde; & illud continuò in ore habuit: *Virgo Mater natum ora, Ut nos iuuet omni horâ. Gel. in Fast.*

## XVI.

**H** *Ervordia B. Waltgeri Confessoris, eius Vr- bis Comitis ac Fundatoris*, qui istic in Templo



Templo seu Sanctorum Domicilio a se constructo, novo more domicilium sepulchrum habuit, suo veluti in Mausoleo conditus anno salutis reparatæ DCCC. XXV. *Ex Chron.*

## XVI.

MAGNA VIRGO ALBERTVM, dum calidioribus votis opem eius sollicitat, fecit magnum. natus hic Lavingæ Suevorum, Coloniae denatus est, anno 1290. vivit tamen hodie etiam in libris suis, quibus *Orbem & Ordinem suum* mirè illustravit. *Coloniae Agrippinae sepultus, ubi Clarior è tumulo Fama sepulta redit.* *Ex vita.*

## XVI.

IN Monasterio Susterensi Ducatus Iuliæ nobile Abbatissarum par BENEDICTA & CÆCILIA carnem, orbem, mundum vitâ innocentissimâ triumphans. *Ex Gel. Fastis.*

## XIX.

SELIS ABETHA ex familia B. RICHEZÆ, ANDREÆ Regis Hungariae & GERTRVDIS Andecensis Principis Filia, Ludovici Turingiae & Hassiae Landgraviæ Coniux, quam Virginum florem, conjugum & viduarum exemplar, egenorum matrem, gentis suæ cælique delictum rectè dixeris. Quæ

Bb 3

â teneris



â teneris unguiculis ad ultimam usque ætatem, pietatis operibus intenta, & miraculis illustris migravit ad Dominum, in urbe arcéque sua *Marburgana*; & in *Ædicula Xenodochij* sepulta, famâ suâ Orbem implet. *Ex vitâ eius.*

## XX.

**S**EADMUNDVS Rex ANGLIÆ, B. RICHEZÆ. *Consanguineus*, cum S. ETILFRIDO *Filio*, & EADMUNDO *Nepote ex filia SOPHIA Heusda Domina*, gloriosis doloribus defūcta, pro fide Christiana Sanguinem profudit: *Sanguinis sui effusi, quàm Regij Stemmatibus purpurâ splendidior.* *Ex Vind. Rich.*

## XXII.

**I**TEM ex eodem Sanguine descendens B. ADOLPHVS I. Rex LVSITANIÆ, hac die ad Coronam æternam avolavit A. C. 1185. nonagenario maior, ætate & meritis gravis. *Ex Fastis Gelen.*

## XXV

**C**Revenradium, alijs Comitibus Novale dictum, in *Prefecturâ Solingensi nobilium Canonissarum Regularium Cœnobium*, depositionem agit CATHARINÆ Comitissæ de *Hückeswagen*, quæ abiectis pretiosis vestibus, pane & aquâ frequenter victitans  
*asperâ*



*asperâ catenâ cilicioque carnem domans, humi cubans, admirando rigore Zonâ ferreâ lumbos adstrinxit & puluilli vice trunco vsa est. Ferrea eius Zona hodie dū religiosè asservatur puerperis (etiam hæresi attōitâ) cōtinuò salutaris. Virginea hæc, venerabilis Catharinæ Familia, ut fortissima istic fidei columna unica ferè in medio A-catholicæ gentis persistit. Pedisequa & nominis & virtutis eius æmula, eodem cum illa tumulto quiescit, ut in vita, ita nec in morte separatæ.*  
*Ex Necrologio istius loci.*

## XXVIII.

**S** CASIMIRI B. RICHEZÆ Filij Palatini, qui ex Religioso Cluniacensi ad Regnum POLONIÆ Pontificiâ auctoritate extractus est, Regnum & familiam suam morte sua nobilitata reliquit, crebrò in ore habens, *eam demum veram esse sapientiam, scire Deum omnia esse, & hominem nihil.*  
*Ex Fastis Gelenianis.*

## XXIX.

**A** Pud *Ultraiectinos* Episcopi B. RADBODI de *Clivio Sanguine*, vitâ & liberalitate erga pauperes magni, cælo scientis excludendos omnes cupulentos, nisi eius Ianitores piâ pauperes manu corrumpent. *Ex Ann. Ultraiect.*

## XXX



**D**USSELDORPH in Soc. IESV Collegij templo, solemne eius Ecclesiæ Patroni, Sancti ANDRÆ Scythiæ, Epiri, Thraciæ, & Achaïæ & ab Ægeâ proconsule in Crucem acti Apostoli. Cuius Sacram Mandibulam ponderosæ, solido ex argento, & iustæ magnitudinis statuæ inclusam, isti Collegio dono dedit *Serenissima ANNA CATHARINA CONSTANTIA Sueciæ ac Poloniæ Regia Princeps, Serenissimi PHILIPPI WILHELM Comitis Palatini Rheni Coniux &c.* immortalis gloriâ dignissima, si vel hoc solo facto inclaruisset. *Munificæ hæc Princeps illud Apostoli donum eò libentius obtulit, quòd minimè ignoraret WOLFGANGVM WILHELMVM Comitem Palatinum Rheni suum illi templum à fundamento erexisse, & ut Apostolici Collegij Seniorem, Equitum aurei Velleris Patronum, Sacrificij incruenti luculentissimum testem præcipuè colere; cuius tandem iconem in agone petitam & acceptam non nisi cum vita deseruit; vicissim à Patrono in longa, & quanta quanta est, aternitate non deserendus. Ex Annalibus Collegij.*

Hoc die cursum vitæ explevit **THEODORVS III. THEODORI II.** cognomento *Volantis*



*tantis Filius, quem maximis Clivie Heroibus non pauci accensent. Divinum Officium quotidie degenibus exequabatur. In Deiparæ Vigilijs pane & aqua circumscribebat ieiunium, flagris & cilicio perpetuo corpus macerabat: liberalis in ærumnosos sanos, & ægros, decoraque familiæ virtutibus ita nobilitavit, vt *Virtuosi* potissimum clarus sit elogio. Symbolum eius familiare ac perpetuum fuisse ferunt: *Vivit post Funera Virtus.* Vixit sub Imperatoribus HENRICIS IV. & V. In regiminis ipsius limine, cum VRBANVS eius nominis Papa II. & Claremontanum Concilium A. 1095. decreto promulgato Orbem Christianum contra Saracenos ad arma evocarent, consentiente CATHARINA Hennenbergia, Iuvenulâ eâ quidem, sed virtutum eximiarum Coniuge, Cruce insignitus, sacro huic bello nomen dedit, Heros ad Martis potius, quàm Veneris arma natus, quem in finē Fratri ARNOLDO Clivie sue gubernaculis commissis, GODEFRIDO, EVSTACHIO, BALDVINO Fratribus BULLIONIS associatus, mari transmissis vnâ cum Christianorum Classe Ioppen appulit, Terrâque Sanctam primus osculo veneratus est. Exscensione factâ militibusque a nausea ma-*



rinâ triduo recreatis, THEODORVS vt belli terrorem per *Syriam* circumferret, assumptis aliquot Legionibus, villas, pagos, oppida, municipia, igne ferro (*Hierosolymâ inspectante & trepidante*) vastat, diripit, incendit, abactisque armentis, divite prædâ onustus, communi castrorum applausu, regreditur. Bullionius viri animis ac virtute delectatus, varijs in expeditionibus operâ eius feliciter usus est. *Ab illo enim Saracenorum sæpius insidiæ detectæ, molimina depressa, consilia everfa, acies incredibili constantiâ ac fortitudine fugatæ; neque audacissimè (nomine Domini semper invocato) omnia incipientem viquequam fortuna fefellit; suos identidem monens, ne hoste fugato actutum spolijs inhiarent. Post conflictum enim, aiebat, avaritia libidoque prædandi vt plurimum perdit Victoriâ; exercitûsque præda onustus facile superatur: quâ militari felicitate continuò usus est, usquedum Barbaris devictis Bullionius Asiam, Syriam, Palestinâ subiugaret, Christianis Regno Hierosolymitano restituto; in quo firmando, dum annis plurimis sancto labore rei Christiane permultum commodi adferret. Non semel hostes de eo professi sunt tantam eius fortitudinem supra mortales vires altius quidpiam habuisse*



habuisse. In *Cliviam* ( a se Fratrísque Arnhol-  
di vicariâ operâ 29. annis feliciter administra-  
tam ) *Hierosolymâ* reversus, vix mediij anni inter-  
vallo; ibidem morbo correptus, ætate, meritisq.,  
gravis cælestem *Hierusalem* ingressus est, cui sic  
accinuit D. Petrus Streittagerus:

*Martis amore sacri flagrans ( quæ plurima laus est )*

*Æterno vocit. seque suosque DEO.*

*Occiduos inter Princeps Lotharinga secutus:*

*Auspicia, Eois intulit arma plagis.*

Ad tantam HEROIS famam perpetuò aleten-  
dam & exprimendâ plurimis eiusdem *illustrissime*  
*Familie Principibus* idem nomen impositum est ;  
vt mirum non sit Poetas olim, ac vel maximè  
posterioribus seculis, in gratiam S S. THEO-  
DORORVM *Familie universe* frequenter *Carminibus,*  
*Elogijs, Lemmatibus* lulisse, quorum nonnulla  
*Eruditorũ* tã *judicio quàm voluntate,* ne archivo-  
rum latibulis, & blattarum damnata pabulis,  
omnino interciderent, hisce insero. Auctori,  
quia me latet, ex animo precor, vt fruatur la-  
bore suo, vbi est, & laude etiam vbi non est.



IN

I. S. THEODORVM CENTVRIONEM SIGNO  
S. CRVCIS DRACONICIDAM, ET INDE MARTYREM  
7. Februarij.

*VT Cruce prostravit THEODORVS Colla draconis,  
Christique evexit diva trophæa palam,  
Vsque per infidi casus eventa sinistra,  
Factatur virtus indubitata Viri:  
Pro castris retinent fœtentes membra catasta,  
Pro decore in mortem, dira flagella trabunt,  
Cur ita? prostratus serpens tantumne malorum  
Halat? an ista malus livor? utrumque fuit.  
Lividus hic Erebi semper mos nempe colubro  
VELLE VIGERE MALOS, VELLE PERIRE BONOS.*

IN

II. S. THEODORVM PENTAPOLITAN. EPISC.  
ET M., CVM SSS. IRENEO, SERAPIONE,  
& AMMONIO MM:  
19. Februarij.

*Bis duo Pentapolis delegat in athera Divos,  
Pemptos abéstne Urbis nomen & omen habens?  
Immo procul; nam te cum venerit ista quadriga  
Susceptum, Præsul maxime, Pemptos eris.*

IN

III. S. THEODORVM M. ROMANVM.  
17 Martij.

*QVàm malè Roma tuum fudit, THEODORE, Cruorem,  
Tam*



*Tam bene conservat Martyra, iamque colit.  
Olim te fidei perimens docet esse Magistrum;  
Nunc venerans fidei se docet esse Scholam.*

## IV IN S. THEODORVM PRO CHRISTO OCCISVM.

15. April.

*Floribus Aureolis Tempe picturat & hortos,  
Mensis nomen habens à referando suum:  
Tu fidei causâ vitam dans Martyr Aprili,  
Pingis amore solum, pingis honore polum.*

## V. IN S. THEODORVM TRICHINATEM

20. April.

*Qui Cilicùm setis THEODORVS membra domabat;  
Et cui pro bysso sordida vestis erat;  
Nunc Orci pavor est; nunc corpore balsama sudat,  
Gloria nunc mundi est, astra beatus habet.  
Dicite qui vano fucatis murice vestes,  
Quid simile his olim purpura vestra dabit?*

VI. IN S. THEODORVM PRÆSVLEM  
ANASTASIOPOLI THAVMATVRGVM. 22. April.

*Miramur cecos donato excellere visu,  
Dum simul ad Numen vota precèsque refers.  
Miramur Claudos, currentes ocyus Euro,  
Te pingente manu SIGNA VERENDA CRVCIS?  
Miramur vitâ functos remeare sub auras,*

Cc 3

Te



*Te redivitum verbis precipiente sacris.  
Ab quis non stupeat visis virtutibus, unde  
Naturam superans TE stupet ipse Deus.*

## VII. BONONIA S. THEODORVM EPISCOPVM SIBI

ELIGIT. 5. Maij.

*Nona hora est nobis, Priscis quæ Tertia, flamen  
Misit, inungendis Præsulibusque vacat.  
Si tibi dat nomen BONA NONA BONONIA, gaude,  
Omen habes, Præsul cum Theodorus erit.*

## VIII. S. THEODORVS ANTISTES PRO SVIS

MIRE SOLICITVS: 20. Maij.

*A Domino datus est Paphia Theodorus; eidem  
Quod Paphia à Domino sit data, Cura docet.*

## IX. IN TYRANNVM S. THEODORO CYRE-

NENSIVM EPISCOPO LINGVAM AVFERENTEM: 4. Julij

*Præsulis ense putas linguam malè sane Tyranne,  
Martyrium Christo ne sonet ille suo.  
O bonus eventus! linguam ferrum abstulit unam:  
Lingua quod illa tacet, Terra Polusque sonat.*

## X. IN S. THEODORVM CVM S. FLORA MAR-

TYRIO CORONATVM 29. Julij.

*Est à FLORE tibi, Virgo Castissima, nomen,*

*Numinis*



*Numinis à DONO sed, Theodore, tibi.*  
*Tu flores, Theodore, poli flos usque futurus;*  
*Tu donum FLORES nobile FLORA Dei.*  
*En quàm Sanctorum minimè Communio parca est;*  
 TU BENE FLORVS ERIS: TU BENE FLORA *sies.*

XI. IN S. THEODORVM NICOMEDIENSEM

CVM LIBERIS PRO CHRISTO NECATVM 2. Sept.

*Blanda DEI GNATOS THEODORVS DONA sciebat;*  
*At MALE si Patres Tartara inire sinant.*  
*Ergo martyrium subiturus nomine CHRISTI,*  
*Martyrij socios gaudet habere suos.*  
*Non atas jllum lactens, non cura nepotum,*  
*Non Patrum affligit pectore sculptus amor.*  
*Vt sim Gratus, ait, DO ME, DO PIGNORA, Auernus*  
*Ne rapiat, CHRISTE, est MVNVS VTRVMQVE tuum.*  
 O quantũ est traxisse Pij GENITORIBVS ortum!  
 O quantum est VTI MVNERE POSSE DEI!  
*Hac qui blandifono gaudetis nomine Patris,*  
*Verus & in gnatos discite quis sit amor!*

XII. IN S. THEODORVM CVM 29. SOCIIS

A VALENTE MARI IMMERSVM 5. Sept.

*Dogmata Sphinge magis sevã monstrosa vel hydrã*  
*Defendit Cesar lege manúque VALENS.*  
*Hac Theodorus ubi socii que tenere recusant,*  
 Comburit



*Comburit medias bos maris inter aquas.  
Nemo miratur Flammas regnare per undam,  
Tam mirus Doctor quid nisi mira daret?*

XIII. IN S. THEODORVM CVM S. OCEANO  
MERSVM 7. Sept.

*Mittitur OCEANO cinctus Theodorus in ignes,  
Quid mirum, damni si nihil ille ferat?*

XIV. IN S. THEODORVM CVM XXI. SOCIIS  
MARTYRIO AFFECTVM 15. Sept.

*Cum viginti uno Socijs, Theodore, triumphas,  
Vosque Triumphantes gaudet habere Deus.  
Cessa acroama vetus. Numero DEVS impare gaudet.  
Manibus aut numero sacrificare pari.*

XV. IN S. THEODORVM CANTVARIÆ ARCHIE-  
PISCOPIVM MISSVM IN ANGLIAM a VITALIANO PONTIFICE.  
19. Septembris.

*Anglia profecit Theodoro Prasule multum,  
Interiora novans, exteriora sacrans.  
In planum veniunt delubra profana Deorum,  
Aut addicuntur, CHRISTE supreme, tibi.  
Est populus iustique tenax & amicus olympo,  
Omnibus una fides, omnibus unus Amor.  
Nempe in discipulos manant exempla Magistri  
Quæ THEODORE DOCES, hæc THEODORE facis.*

XVI.



XVI. IN S. THEODORVN CVM S. PHILIPPA  
MATRE PASSVM 20. Septembris.

*Ambo pro CHRISTO certamen initis: ijdem  
Non tamen hac mulier, tu THEODORE, VIRES.  
Quod mulier, THEODORE, tamen te vincat opinor,  
Namque Arbor ramo grandior esse solet.*

XVII. IN IULIANVM S. THEODORI TYRANNVM  
23. Octobris.

*Surgit ut in Flammas focus Eurii flatibus actus,  
Materia in cineres, nec nisi cedat, abit.  
Sic nervi tristisq; minæ nodosæque flagra,  
Accendunt Christi Martyra amore magis.  
Tu facibus tamen usque uris, malè sane Tyranne;  
Vis, quid agas dicam? verus es Andabata.*

XVIII. IN S. THEODORVM ABBATEM VIENNENSEM  
29. Octobris.

*Cum sit idem pater atque Abbas, cur diceris Abbas?  
Sic quadrat an rare vox peregrina rei?*

XIX. IN S. THEODORVM MILITEM 9. Novembris.

*Dum te castra sequi ratio & pietatis a vitæ  
Fura sinunt, hosti quis magis acer erit?  
Dum te castra sequi ratio & pietatis a vitæ  
Fura vetant, hosti quis magè præda cadit?  
Stulta Duces cesset magnos iactare Vetustas.  
Regula bellantùm, tu THEODORE, proba es.*



XX. IN MAXIMIANVM à QVO S. THEODORVS, S.  
PHILERAS, S. HETUCHIVS, S. PACHOMIVS EPISCOPI ÆGYPTI, CVM  
660. SOCIIS ENSE PERCVSSI 26. Novembris.

*Hucusq; es dictus trux, MAXIMIANE, malúsq;  
Ut dubitem: bonus es; nam bona multa facis.*

*Primò perpetuis calos ornatibus ambis;  
Dèin festis fastos Calitibusque reple:  
Præterea quos PAPA nequit, quos CÆSAR honores  
Conferre, egregiâ das pietate Viris!*

*Insuper usque facis Virtutum exempla manere,  
Ad que respiciant, quèis stat avita fides:  
Denique non binis, non denis talia præstas,  
Ultra sexcentos exit hic Ordo Viros.*

*Non sic Augustus, non Vespasianus uterque,  
Non Constantinus, Magnus ut ille sonet.*

*Tu tamen es dictus trux Maximiane, malúsque  
An te fama VIRVM fors nigrat atra bonum?  
Non nigrat, es verè trux, Maximiane; malúsque  
Non es Martyribus; truxque malúsque tibi es!*

XXI. IN S. THEODORVM ANTIOCHIÆ CHRISTI  
MARTYREM PASSVM 7. Decembris.

*Discipulis CHRISTI nomen dedit Antiochia:  
CHRISTI Discipulum hæc te, Theodore, dedit.*

XXII. IN S. THEODORVM CVM SS. LOZIMO &  
DRYSO PASSVM 14. Dec.

*Æmulus es CHRISTI, THEODORE, sed æmulus impar:  
Te Martyr; Christum stipat utrumque latro:*

XXIII.



XXIII. IN VALERIANVM SS. THEODORI, IRENÆI,  
VICTORIS & ANTONINI CVM ALIIS 17. Occisorem 15. Dec.

*Siqua, heus! magna potes, VALERIANE,*

*Est nomen tibi grande splendidumque,*

*CHRISTI NOMINE tot Viros necando:*

*Id bellè facis, o VALERIANE!*

*Verùm quomodo tu VALERIANE,*

*Facis grandia? sic latro, & scelestus*

*Quivis esse potest Valerianus!*

XXIV. IN S. THEODORVM EXULANTEM 15. Dec.

*Vnius Articuli causâ, Theodore, bis exul,*

*Pro totâ ostendis quid paterere fide!*

XXV. IN S. THEODORVM ROMÆ ad D. PETRI

MANSIONARIVM 26. Dec.

*Prudenter, THEODORE, teris sacra Limina PETRI,*

*Pro te, pròque alijs nocte dièque precans.*

*Nam qui pro cunctis CLAVES usurpat Olympi,*

*Tam noto pandet promptius ASTRA TIBI.*

XXVI. IN S. THEODORVM MONACHVM ÆGYPTI, S. PACHOMII

Discipulum 27. Dec.

*Non Arabum messes tibi sunt, non velleræ Serùm;*

*Non bacca Indorum, quas plaga captat aquis.*

*Non volucrum leporumue caro; non monstra marina;*

*Non Cretùm efficiunt inclyta vina dapes.*

*Non imitata colis turrita palatia Celos;*

*Non famulùm circa splendida turba strepit.*

*Tu tamen usque nihil tibi posse deesse fateris;*

*Nempe tibi Calum est cella; bonum omne DEVS.*